

From: UUM CORPORATE COMM.
Sent: Tuesday, 30 April, 2019 12:41 PM
To: UUM - All Staff; UUM - All Students
Subject: MoU UUM-MSN Bangunkan Sukan Negara Lebih Strategik Dan Lestari



UUM Corporate Comm.
Universiti Utara Malaysia

30 APRIL 2019 / 24 SYAABAN 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media
Gambar oleh: Abdul Halim Husain

MoU UUM-MSN BANGUNKAN SUKAN NEGARA LEBIH STRATEGIK DAN LESTARI



UUM ONLINE: Berhasrat untuk membangunkan sukan negara secara lebih strategik dan lestari, Universiti Utara Malaysia (UUM) telah menandatangani Memorandum Persefahaman (MoU) dengan Majlis Sukan Negara (MSN) dan Majlis Sukan Negeri Kedah di TH Hotel, Alor Setar, semalam.

Pengerusi Jawatankuasa Belia dan Sukan, Pelancongan, Seni dan Budaya, Pembangunan Usahawan, Mohd Asmirul Anuar Aris berkata, Kerajaan Negeri Kedah berharap untuk melahirkan 20 hingga 30 peratus atlet yang mampu menggenggam segulung ijazah dengan adanya kolaborasi ketiga pihak tersebut.

Menurutnya, kerjasama itu mampu membuka peluang kepada atlet untuk belajar di peringkat lebih tinggi dan pada waktu yang sama pihak universiti juga dapat bekerjasama dengan badan-badan sukan tertinggi di Malaysia.

"Sebagai permulaan, kita akan menfokuskan atlet dari negeri ini walaupun pihak kerajaan telah meminta UUM merangka dengan MSN di peringkat nasional untuk membincangkan secara terperinci dan teknikal dari sudut silibusnya.

"Dulu kita pernah cuba melakukan perkara yang sama tetapi tidak berjaya dan kali ini saya akan melihat sendiri usaha ini dan meletakkan sasaran untuk cuba lahirkan sekurang-kurangnya 20 hingga 30 peratus atlet yang belajar di universiti dan memperoleh ijazah," katanya pada Majlis Perasmian Simposium Kejurulatihan dan Pengurusan Sukan 2019 dan Majlis Menandatangani MoU di antara UUM, MSN dan Majlis Sukan Negeri Kedah.

Majlis menandatangani MoU itu telah menyaksikan UUM diwakili Timbalan Naib Canselor (Akademik dan Antarabangsa), Prof. Dr. Yusnidah Ibrahim; MSN diwakili Ketua Pengarahnya, Dato' Ahmad Shapawi Ismail dan Majlis Sukan Negeri Kedah oleh Pengarahnya, Mohamad Rizal Mohamad Radzi.

Sementara itu, Prof. Dr. Yusnidah berkata, kerjasama antara ketiga pihak itu adalah selari dengan penawaran program *1 State, 1 University, 1 Center* (1S1U1C) oleh UUM di bawah Pelan Pembangunan Sukan MSN bagi peringkat negeri Kedah menerusi Majlis Sukan Negeri Kedah.

"Cadangan kerjasama antara UUM dan MSN bermula pada Februari lalu apabila Ketua Pengarah MSN mengutarakan pandangan tentang peluang untuk kedua institusi bekerjasama dalam melestarikan pembangunan sukan negara melalui Program 1S1U1C.

"Program ini merupakan inisiatif MSN untuk mewujudkan satu pusat untuk atlet melanjutkan pendidikan di peringkat universiti dalam sesebuah negeri," katanya.

Dalam pada itu, Simposium Kejurulatihan dan Pengurusan Sukan 2019 yang kali pertama dianjurkan itu akan dijadikan sebagai acara tahunan ataupun dwi tahunan bagi membincangkan hala tuju dan perkembangan semasa sukan terutamanya di Kedah.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.